

Kristu Muli Imwe

Abena Kolose 1:26-29, "Abo Lesa atemenwe ukulenga beshibe ubucindami bwa bukata bwa ca nkama ici mu Benafyalo; e kutila Kristu muli imwe, ica kucetekelako cenu ca bukata."

"Inshita inono naba pano isonde tabaka Mone nakabili, lelo imwe Mukamona, pantu Nkaba na imwe, na muli imwe, mpaka kumpela ya nshita" (*Yohane 14:19-20*). Kristu mwitanga? Iyo. **Kristu muli imwe. Alleluya.** Ifwe tatupepa Kristu mwitanga, lelo Kristu muli imwe, Mupashi wa Mushilo, isubilo Iya Mweo (Alleluya). Kalenga. **Lesa Umwine ukwikala mu muntunse.** "*Kabili kucili takulamoneka ifyo tukaba, ico tuka Mumona ifyo Ena aba.*" (*1Yohane 3:2*). Pantu ifwe tukapangwa nga Wene...**Kabili, munyina, nkashi, ukutula Bulesa buli muli imwe.** [1]

Mwibepwa, mulingile mwafwailisha ici ukupalama nombamba. Mwamona, nga mwatwalilila ukusosa, "Cisuma, tacinjebaula ine ukucita ici, kabili tacinjebaula ine ukucita cilya." Ifintu fya mwisonde? Nombamba, nala mumfwisha ububi panono fye, ukutintila amasako kunuma ulubali lumbi. **Lelo ni cimo icishininkisho cimo ica cine, imwe tamulati mube kuli Kristu, imwe tamwatala fyalwa libili.** "*Uyo uwatemwa pano isonde nangu fya mwi sonde, ukutemwa Lesa takwaba muli wene*" (*1 Yohane 2:15-17*).

Nomba, nga mwaleka fye ukucicita pa mulandu na mwishiba mulingile ukukana cicita, no kuleka ukucita ici, cilya e cilangililo ukutla tamukwata nangu cimo nomba. **Ilyo cilya cintu cafwu muli imwe, kabili icifyalilwa ca cena ca fumapo, kuliko Umuntu umbi mulya kabili** Cena kuti caletafye...**Mupashi wa Mushilo uwali muli Kristu muli imwe uleta Ubumi ubwapalana na Kristu. Tapali nangu cimo mucita; ico Ena acitile.** Ena asalile cilya ilyo mufula we sonde taulalengwa (*Abena Efese 1:3-4*).

Umo muntu atile, “Cisuma, ninjishiba nalipusushiwa, pa mulandu nalileka ukupepa fwaka.” Ulya tawali mulandu uo napusushiwe; ulya te mulandu imwe mwapusushiwe. **Imwe mwalipusushiwe pa mulandu Lesa alisalile imwe ilyo mufula we sonde taulalengwa ukupusushiwa.** Kulya kusambilisha kwa Malembo. Amen. Nomba, mulemona, ifwe tulesanga ukutla te ifwe; **Ni Wene; Ena alitusala ifwe** (*11 Timoti 1:9-10*). [2]

“Cisuma, naba ku lukuta lwa Katolika.” Cilya nalyo line tacimulenga imwe ukuba Umwinakristu. Ukuba ku lukuta lwa Baptist atemwa Methodist tacimulenga imwe ukuba Umwinakristu. Kwaba fye inshila imo ukuba Umwinakristu. **Ishiwi “Umwinakristu” cipilibula “ukuba nga Kristu” kabili teti mucicite. Imwe mulingile ukuilabako mwebene, ukufwa kuli mwebene mweka, no kuleka Kristu ukwisamo no kwikala ubumi bwa kwa Kristu muli imwe.** [3]

Kabili umusango fye weka uo Lesa engashimikila Imbila nsuma ilelo caba ukupitila muli ulya umupusa we loba, kabili ulya e mulandu wine Ena alemusungila imwe pano. Kabili ulya e mulandu wine imwe mwe

bantu abalwele namukwata insambu ukwisa kuli Kristu. Ukusosa, “Shikulu Yesu, nga Imwe mwalamposha nomba, nalaya. Ine limbi teti mbe kashimikila, lelo ndi no kusosa palwa cena. Ndi no kucita icili conse ico ningacita. Imwe muli mwangashi; ndi umo wa misambo.” Nomba, umwangashi tautwala icisabo. **Imisambo ilatwala icisabo, te mwangashi, umusambo.** Umwangashi ubika fye amaka muli wene. **Imbila Nsuma kuti yashimikilwa na Kristu nga imwe muli no kuipela mwebene no kuba umusambo uyo uuli nokutwala icisabo. Bambi kuti bamona Kristu muli imwe ku bunte bwenu, ku bumi bwenu no musango mwikalilamo.** Ena e maka, lelo imwe muli icikope ca cilangililo. Imwe muli **Baibele ileenda (Yohane 15:1-7).** ^[4]

Kabili Ena aleenda kulya mu kuifimbikilisha. Ena amoneke kuli bena mu musango wa muntu (*Luke 24:13-16*). **Ena kuti amonekela kuli imwe mu musango wa mwina mupalamano wenu.** Ena limbi kuti amonekela kuli imwe mu musango wa kwa kapyunga, atemwa ba nyinenwe. **Kristu amonekela kuli imwe mu bantu.** Lyena citileni uuli onse icisuma. Beni abacikuku; beni abena mupalamano basuma, kwateni ukutemwa. **Kristu ali mu muntu.** “Kristu muli imwe isubilo lyenu lya bukata” (*Abena Kolose 1:26-27*). Kabili ilyo muleya pantanshi, kabili abantu balemonekela kuli imwe, **umuntu wa cikuku atendeka ukulanda kuli imwe, kutikeni kuli bena. Imwe tamwishibe, kuti caba ni Yesu ukulanda kuli imwe.** Mwamona, Ena alamonekela. “Nkaba na imwe, kabili muli imwe. Apo ponse mwacitila kuli aba, mwacitila kuli ine” (*Mateo 25:40*).

Owe, ilyo mwatendeka ukulolekesha kuli cena ulya musango, ulutambi ulwakale lulafumako. Mwamona? Cena ³tacisa mukuba umusango wa fyebo kabili no

kubilisha kwa fyebo ifingi ukubikwa capamo. **Cilesa mukuba icituntulu ica mweo ukutila Kristu ali muli ifwe nomba, Mupashi wa Mushilo ukwenda uku no ku,** ukupitila mu muntunse onse, ukubilima ukupitila mu mitima, ukufwailisha, ukwebaula ubumi ubwaonaika mulya. Ilyo muletumbula cena, Ena alacileta kuli Lesa, kabili Umulopa ulacisamba cena. Ameni. [5]

Ilyo mu kabuka Yordan, cena ni mfwa; imwe muleingala mu cifimbo ico nalelandapo mailo ubushiku, **mukati ka fya mushilo umwa mushilo,** uko Ulubuuto lwenu taluba nakabili ulwe sonde. **Imwe muli no kwenda mwi senge ulubali no lubali na Kristu muli imwe,** isubilo lya bukata, Mupashi wa Mushilo ukwenda no kwikala mu cibumbwa icifwa.

Kabili nga nalimo nacimweba muno bushiku, ukutila umupashi wa kwa kalenga umo umukalamba wali muli ine, imwe kuti mwaenekela ine ukupenta icikope nga kalenga. Nga nacimweba ukutila umupashi wakwa John Dlinger uuli muli ine, imwe kuti mwalelelekesha pali ine ukukwata imfuti ishikulu, kabili no kuba ulwa ne mfuti. **Kabili nga na cimweba ukutila Umupashi wa kwa Kristu uuli muli ine, ningile ukubomba imilimo yakwa Kristu.** Kabili nga mulelumbula ukuba Umwinakristu, fumeniko ku lubembu no kuitemwa ne fipyu, kabili ikaleni ngefyo Kristu acitile, **uwa mutende, uwaicefya, ubumi ubwapalwa ubwa kwa Lesa.** Ameni. Cilya cishinka. [6]

Paulo atile, “Kuli ine ukuba no mweo ni Kristu, kabili ukufwa bunonshi” (*Abena Filipi 1:21*). “Te ine ne uleikala nakabili, lelo Kristu uyo uwikala muli ine” (*Abena Galatia 2:19-20*)⁴. Kristu ukwikala mu mweo wa umo muntu—

uwaipela. **Kristu alandila ukupitila mu milomo, kabili atontankanisha ukupitila mu mano, amwena ukupitila mu linso, abombela ukupitila mukuiteka. Alleluya.**

Lyena ifintu fya mwisonde fyaya. **Musangonshi cingaba cimbi kano icisuma kabili icawama inshita fye yonse? Kristu nakwata ubutungulushi. Amen.** Mulecimona cena? Filya eflyo caba. **Cena ni Kristu muli imwe: Kristu muli imwe.** [7]

Nga nalimweba ukutla Umupashi wa kwa Kristu uuli muli ine, lyena Umupashi wakwa Kristu uulingile ukubomba mu musango umo wine ifyo wacitile muli Kristu. Nga tacili fyo, lyena Umupashi wa kwa Kristu taulentungulula ine; **ndetungululwa no mupashi umbi. Lelo ngo Mupashi wakwa Kristu uuli muli imwe, lyena muli nga Kristu; imwe mulesa mukuba abasambi bakwa Kristu.**

Kabili palya epo abantu ilelo balolekesha pa fyakuumfwa umfwa ifyalekana lekana ifya kubilikisha no kuilunda ku lukuta ne fintu nga filya ukusenda icifulo, atemwa amasambililo, atemwa icilonganino, atemwa icintu cimo ica ulya musango **ukusenda icifulo ca Bwinakristu.** Cena tacakatale senda icifulo. Cena teti cicite. **Cena ni “Kristu muli imwe, isubilo lya bukata.”** [8]

Imyaka iyakale nganshi ilyo tabalakwata ilungu lya mulilo, bena balesenda golide, kabili ifyo bengeshiba nga cakutla yali iyalungama atemwa iyo, ne fiko fyonse fyali fimushiwe kuli yena, lyonse ilibwe lya pyrite (ulya ni golide wa buwelewele), ubuwelewele bonse na bufumishiwako kuli yena, bakafula balaifwanta yena, no kuifwanta, no kuipilibula, no kuifwanta, no kuipilibula mpaka kafula alemona imimonekele yakwe muli golide.

Ulya e musango Lesa acita ku lukuta Lwakwe. Ena alapela imwe ubwesho panuma ya bwesho, ukweshiwa panuma ya kweshiwa, ubwesho panuma ya bwesho, ukweshiwa panuma ya kweshiwa, mpaka ubumi bwakwa Kristu bwa lamonekela mu bumi bwenu, mpaka mwakwata umutende, ukutekanya, ukufuka, ukunakilila, ukupetama, uwaiteyanya, uwanakilila, uwakufwaya, ukupilibula umutwe wenu ukufuma ku fintu fya mwisonde no kulolekesha ukutonta ku Kalbale kuli Ulya Umo ulefwanta. Inshita ishingira mulatontankanya cena ceni pa mulandu amesho ayakoca, na **malwele, no kucushiwa (*Abena Roma 5:1-5; 1 Petro 4:12-13*); cena cicitwa fye ukumweshwa, ukufumya ifiko ukufuma muli imwe, ukufumya fi munyela ukufuma muli imwe, **ukufumya ukunakuka ukufuma muli imwe**, ukumishibusha ku cifulo uko mwinga lolekesha no kumona ukumonekela – atemwa **abantu kuti bamona ukumonekela kwakwa Kristu muli imwe**: Kristu muli imwe, isubilo lya bukata. [9]**

Mwiesha ukukwata ifya kumfwa umfwa ifili fyonse, icintu icili conse ukusenda icifulo ca Mupashi wa Mushilo. Ilyo ukufyalwa cipya cipya kwaisa, imwe mulapilibulwa. Imwe tamulingile mwacita icili conse ukushininkisha cena; ubumi bwenu bushininkisha cena. Ilyo muleenda, ukutemwa kwenu, umutende, ukutekanya, ukunakilila, ukufuka, ukushipikisha, filya eflyo mwaba. Kabili isonde lyonse lilemona ukumonekela kwa kwa Yesu Kristu muli imwe.

Nomba, ukulandila mu ndimi, ukubilikisha kulya, cilya caba fye imibele **ilyo ikonka** ubumi bwa musango filya. Kabili **imwe** kuti mwasenda no kupashanya imibele ya

ulyo musango kabili ukwabula ukukwata bulyo Bumi. Ifwe tulemona cena. Nibanga abaisha ukutila cilya cishinka? Mucine mulacita; mu cishinka mulacita. Cinshi imwe kuti mwamona cena conse ukumushinguluka imwe.

E ico tapali nangu cimo mwingasosa ico icaba icishibilo ca Mupashi wa Mushilo, kano fye caba ubumi bwenu ubo imwe mwikala. Nomba, nga mulefwaya ukulandila mu ndimi, cilya caba fye bwino nganshi nga muleikala ubumi ukutungilila cena. Cilya cishinka. Kabili nga mulefwaya ukubilikisha, cilya cisuma. Naine ndabilikisha, ndasangala nganshi inshita shimo ine teti mfwale nangula insapato; nalitemwa ukutoloka ukufuma muli shena. Kabili cilya cisuma. Ndecetekela cena.

Kabili nalimona ifimonwa, na balwele ukundapwa, abafwa ukubushiwa. Ilyo bena balele kulya lubali na ba doctor bafumineko no kusosa ukutila nabapwa kabili nabaya, ukulala palya ama ora yamo; kabili Mupashi wa Mushilo waishile ika no kulangisha icimonwa, kabiye kulya lubali no kubusha ulya muntu. Nalimwene balya abali bankoma matwi, bacibulu, ne mpofu, na balemana, ukwenda. Cilya tacilecita...**Ilya yali fye imibele.** [10]

Owe, ifyo Lesa afwaya ukupala ulukuta. Ifyo lyonse Ena afwaya ukumufukatila ngefyo nankoko acita ku twana twakwe, lelo imwe tamwacitile. **Imwe mwaumfwile ku baume intungulushi mu cifulo ca Kutungulula Mupashi wa Mushilo.** Mwaumfwile kuli bakasambilisha abaume mu cifulo cakumfwila kuli Kasambilisha wakwa Lesa, Mupashi wa Mushilo, **Uyo**

uwinga musambilisha imibele, ukumilenga imwe ukuicindika mwebene bwino, ukumilenga imwe ukuba nga namayo, ukumilenga imwe ukuba umucele we sonde (*Mateo 5:13*).

Umucele ulapela icilaka. Kabili **abantu bakakwata icilaka ukuba nga imwe nga mucine mwikala ubumi bwa Mwinakristu. Imwe teti mucite palwenu; mulingile ukukwata Kristu muli imwe ukucita.** Isonde lilefwaya icintu cimo ica pwililika. Ulya e mulandu wine balamona abantu abo abalumbula ukuba icintu cimo no kuya kunse no kwikala nga abashala aba mwisonde. ^[11]

Nomba, kalya akamuti akanono kaba nga imwe. Panuma ilyo mwapokelela Kristu mu musango wa kanya akanono (*1 Yohane 2:12-13*), lyena tulabyalwa capamo **muli Kristu** (*1 Abena Korinti 1:30-31*). Nomba, icintu fye ceka ici cimuti icinono cicita, imwe mulingile ukwitila amenshi pali cena, kabili cena cilatendeka ukunwa. Kabili ilyo canwa umulingo uwapelwa kuli cena, **cilingile ukunwa ukucila filya.** Cilingile ukunwa ayengi filya mpaka cilatendeka ukumesha utumisambo. Lyena cilatwalilila fye ukulanwa mpaka cilatwala amabula. Lyena cilatwalilila fye ukulanwa mpaka cilatwala amaluba. **Cena inshita fye yonse cilanwa, ukunwa, ukunwa.**

Kabili ilyo twaba aba bomfi bakwa Lesa aba fyalwa libili, **Imbuto yakwa Lesa iyabyalwa mu mitima yesu, ifwe tulatwalilila ukulanwa, ukulanwa, no kusunkila kunse. Ifintu fyonse ifyo mukabilapo muli ubu bulendo bwa panonse fyaba muli imwe ilyo mwapokelela Ulubatisho Iwa Mupashi wa Mushilo.** Konse ukundaŵa uko mwatala ukukabilapo, konse

ukusangalala mukatala ukukabilapo, yonse amaka mukatala ukukabilapo, ifintu fyonse ifyo mulekabilapo **fyaba muli imwe ilyo mukwete Kristu muli imwe (Yohane 10:10).** Lelo **icintu fye ceka ico mulingile ukucita caba ukutwalilila ukulanwa, ukulanwa.**

Abantu tabakwata icilaka nganshi. Baibele itila, *“Balishuka ababa ne nsala ne cilaka ica bulungami” (Mateo 5:6).* Ilyo mukwete icilaka, imwe kuti mwanwa. Kabili ilyo mulenwa nganshi, lyena elyo mwinga funguluka nganshi. Ukusenamina ukwingi mupokelela, amaka ayengi mukwata, icitetekelo icingi mukwata ilyo muletwalilila ukulanwa ukufuma kuli Kristu Uyo uwaba akafukauka akashikama ka bumi, ukulanwa, umusango wa Mbuto ^[12] Kristu mu mutima uyo umupilibula imwe, alamilenga imwe ukuba umuntu uwaibela, icibumbwa cipya *(11 Abena Korinti 5:15-17).* ^[13]

Ni cinshi Mupashi wa Mushilo? Caba Mupashi wa Kwa Kristu muli imwe (Abena Roma 8:9). Ubukota; ulya e Mupashi wa Mushilo *(Yohane 14:19-26).* “Akashita akanono,” Yesu alisosele, “kabili isonde talya ka Mone nakabili, lelo nomba imwe Mukamona; pantu nkaba na imwe, **kabili muli imwe** mpaka ku mpela ye sonde. ^[14]

Nga Ena aile kuli Taata, Mupashi wa Mushilo kuti aisa *(Luka 24:48-49).* Bushe cilya cishinka; Ilembo limbi lyatile, “Pantu nga shiile, Ubukota tabwakeke; lelo nga naya, Nkesa nakabili no kuba na imwe, **kabili muli imwe**” *(Yohane 16:7-11).* Ni Lesa na imwe: pali imwe intanshi, na imwe muli Kristu, muli imwe mu Mupashi wa Mushilo: **Lesa muli imwe.**

Filya eflyo Mupashi wa Mushilo Abelapo. Caba pa bumi bwa mushilo: ulenga imwe ukuleka ulwambo:

ukulenga imwe ukuleka ukuteya incunga, ukuteya dice, na fyonse ifi fintu fimbi ifyo mucita mu fifutu. Ukalenga imwe ukuleka ifya kucita cita fyenu umusango mulecitilamo, uku kanaikala aba cishinka ku mukashi wenu. Cilya e co Wene uli no kucita. Cilya cishinka. Wene ukakanya imwe ukuupa umukashi wa muntu umbi. Cilya cinshinka nganshi. Filya efyo Wene waba. Wene akalenga imwe ukwikala ubumi bwa mushilo. Wene ukalenga imwe ukuleka ukupepa fwaka, no kunwa, no kufwaya ukuba umuntu uwapulamo. **Wene ukafumyamo filya muli imwe.** Wene akamupetamika imwe ilyo mwacita cilya. **Filya efyo Mupashi wa Mushilo Abelapo amaka, ukubika ifyakukabila kwenu pa fintu fya ku mulu** (*Abena Kolose 3:1-4*). **Umutima wakwa Kristu muli imwe** (*Abena Filipi 2:5-8*) Imwe teti mukanye ukumona filye fintu ifya fiko. Ilyo mwalolekesha pali fyena, imwe mulapilibula umutwe wenu. Cilya cishinka. Cena kulenga imwe...

Imwe mwatila, “Ine teti ncicite. Owe, Ine teti ncicite fye.” Mucine, imwe teti mucite. **Lelo Mupashi wa Mushilo waishile kuli lilye pange.** Cilya eco Wene wacitile. Wene waishile ukufumya cena mukati ka imwe, yonse ilye misango iyakale ne fintu ifyo mulecita. Lulyo lwambo lwakale, ukwipatula mwebene, ukusosa, “Lesa apalwe, ndi Methodist. Nshakwatapo ifya kucita na balya bakakunkuluka abakale aba mushilo.” Mupashi wa Mushilo waishile mukufumya cilya muli imwe.

Kabili nga mwalikwata Mupashi wakwa Kristu muli imwe, imwe mwafuma ku mulu (*Yohane 17: 6, 14*). Lyena muli beni pano. **Lelo mwalikwata icifyalilwa ca ncende uko mwafuma; filya efyo ndeesha ukusosa.** [15]

Ilelo, nalipapa, inshita ishingi, ilyo ndeipusha abantu, “Bushe uuli Mwinakristu?” Bena balasosa, “Ndi Methodist.”

Bushe uuli Mwinakristu?” – “Ndi Baptist, atemwa ndi Presbyterian, atemwa nangula Pentecostal, atemwa Pilgrim Holiness, atemwa ulukuta lumu.”

Nomba, balya kuti limbi bali fye bwino, lelo lilya te lipusho. Ilipusho lili, “Bushe uuli Mwinakristu?” **Kabili teti mube Umwinakristu mpaka mwapokelela Kristu, Kristu muli imwe** (*Abena Roma 8:9*). [16]

Lelo ulya e mulandu wine Mupashi wa Mushilo aba icintu cikankala nganshi muli buno bushiku, pantu Wene ni Ulya uyo uwikala ubumi bwenu. Imwe tamwikala wene palwenu. Ni Kristu muli imwe lyena, panuma ilyo mwapokelela Mupashi wa Mushilo. Kabili nga Ena tali uwantanshi mu bumi bwenu (*Abena Kolose 1:18-20*), **lyena ibukisheni fye, imwe tamwapokelela Mupashi wa Mushilo.** Pa mulandu nga Wene ali muli imwe, Wene ali nokwikala Umweo Wakwe Wine. Imwe tamuli pa lwenu. “Imwe mwalifwa, kabili umweo wenu walifiswa muli Lesa, ukupitila muli Kristu, no ku kakatikwa ku Mupashi wa Mushilo” (*Abena Kolose 3:1-4*). E ico takuli inshila nakabili kuli imwe ukuba palwenu nakabili, ifyo imwe mwali. [17]

Lolesheni, Kristu muli imwe alalenga Wene ukuba ishintililo Iya Mweo Iya busokololo. Ubumi bwakwa Kristu muli imwe bulenga Wene ishintililo Iya busokololo. Kristu muli Baibele, cilalenga Baibele ukuba ubusokololo bonse bwakwa Kristu. Kristu muli

imwe alenga imwe ukuba ubusokololo bonse bwa cintu conse. Mwamona ifyo Lesa aleesha ukucita?

Ni cinshi ukufyalwa cipya cipya kanshi? Imwe mwatila, “Cisuma, Munyina Branham, ni cinshi ukufyalwa cipya cipya?” **Cena busokololo bwakwa Yesu Kristu kuli imwe bene.** Ameni. Mwamona? Te cili mwali ilunda ku lukuta, mwali poshanya ku minwe; mwa licitile icintu cimo icapusana; imwe mwalisosele icisumino; imwe mwali laya ukwikalila ku butantiko bwa mafunde; lelo Kristu, Baibele...**Ena e Cebo ico icasokolwelwe kuli imwe. Kabili te mulandu ifyo uuli onse asosa, ico icicitika, cena ni Kristu.** Kacema, shimapepo, conse ifyo cingaba...Cena ni Kristu muli imwe. Bulya e busokololo ubo Ulukuta lwakulilwepo (*Mateo 16:13-20*).

Nomba, moneni, Lesa ukuilenga Umwine ukwishibikwa. **Ifwe tatulingile twapanga abapilibulwa ku Bwinakristu ku buteko, lelo ku busokololo bwakwa Kristu muli imwe ngefyo Lesa ali muli Kristu.** Ngefyo Lesa ali muli Kristu, **Kristu muli imwe.** Ifyo Lesa acitile muli Kristu, Kristu alacita muli imwe. Filye fishibilo ifyo Lesa acitile muli Kristu, Kristu alecita muli imwe. Owe, bushe cilya tacawama? Owe, mwe. Nalitemwa cilya.

Yesu atile: “Pali bulya bushiku (bulya ni buno bushiku)— pali bulya bushiku (**ilyo ubu busokololo bukeshibikwa**) mukeshiba ukutla Ndi muli Taata, na Taata muli Ine, **Ine muli imwe, na imwe muli Ine.** (Ilyo busokololo bwalengwa ukumonekela,) pali bulya bushiku, mukeshiba ukutla Ine na Taata twaba Umo. Ine Ndi muli Taata, na Taata ali muli Ine. **Lyena ilyo ubusokololo bwaisa, lyena ni Ine muli imwe na imwe muli Ine**”² (*Yohane 14:20*).

Cena ni cinshi? Te balya bantu; **Umutwe no Mubili fyaisaba icintu cimo. Cena ni Lesa ukuilangisha mu bantu Bakwe.** Ulya e mulandu wine umulume no mukashi tabali nakabili babili; bena bali umo. **Lesa no Lukuta Lwakwe bali Umo: Kristu muli imwe, ubusokololo ubukalamba ubwa kwa Lesa** (Ubukata kuli Lesa), **no ku kwata ishina Lyakwe.** Ishina Lyakwe ni Yesu, uyo Uwasubwa. Umulandu Ena ainikwe Yesu, Ena ni ulya Uwasubwa. **Kabili wene Mubili Uwasubwa wakwa Kristu** ukushinikisha, Lesa uwamonekela ngefyo ulyo Mubili wacitile. Kabili ulyo Mubili walubwile iyi mibili. [18]

Lelo nga mulefwaya ukusanga ifyo mwaba abakalamba, biken i umunwe wenu mu cishiba ca menshi, atemwa icipe ca menshi, lyena fumyeni umunwe wenu no kwesha ukusanga apo mubikile umunwe wenu. Imwe tapali ifyo mwaba. Lesa kuti abomba ukwabula imwe, Ena kuti abomba ukwabula ine, lelo ifwe teti twikale ukwabula Wene. Ifwe tulingile twakwata Wene, pantu Ena e Mweo, kabili Ena fye eka. Te kwishiba Ibuku Lyakwe, te kwishiba ici, atemwa ukwishiba cilya, atemwa ukwishiba icisumino, lelo ukwishiba Wene e Mweo, ukwishiba Wene ngo Muntu, Kristu muli imwe, Icebo ukulengwo mubili muli imwe (Yohane 17:3). Cilya kwishiba Wene. Ilyo imwe na Ena mwaba umo, ngefyo nasosele. Ena alingile ukwisa muli imwe: imwe. Lesa no muntu balingile ukuba umo. Imwe muli abailuka kukuba abanono. [19]

Ni Kristu muli imwe, Lesa ukwikala mu mutima wa muntu. [20]

Umwinkristu? Ulya ni Kristu muli imwe. **Kabili nga Kristu ali muli imwe, lyena Icebo cili muli imwe.** [21]

Ukunakila konse ku Cebo kuleta Lesa, Icebo ca muyayaya muli imwe. Kabili cilya e Cishibilo. **Ilyo Icebo cili muli imwe, ni Kristu muli imwe.** [22]

Ngo Mupashi wakwa Lesa uuli muli imwe, wene uulalenga imwe ukwikala nga Kristu, uwapalana na Kristu. Lyena mulesa mukuba inkalata iyalembwa, ibelengwa na bantu bonse, Kristu muli imwe, ukulangisha Ulubuuto Lwakwe ukufuma muli imwe (11 Abena Korinti 3:1-3), nge fyo Lesa ali muli Kristu ukuwikisha isonde ku Mwine, no kulangisha Lesa ukufuma ku mubili Wakwe wine (11 Abena Korinti 5:18-19). [23]

Nomba, abantu abengi teti babelenge Baibele. Lelo Lesa alilenga imwe ukuba uwakumwininako uwa mweo. **Imwe muli kalata ileenda, mulingile ukuba Baibele ileenda, Kristu muli imwe.** Imwe mulingile ukuba Icebo cakwa Lesa icileenda. Kabili nga mulelumbula ukuba Umwinkristu kabili ta muli cilya, ukongola kwenu—ico muleongola cikamulenga imwe ukwasuka pa myeo iingi iyo mwatalusha, ukufuma kuli Kristu, muli bulya bushiku bwa bupingushi. [24]

Lelo, owe, munyina, ilyo cilya Cishibilo limo cabikwa mu mutima wenu, kabili namwishiba cena busokololo bwakwa Kristu muli imwe, icintu cimo cilecitika. Takuli

nangu cimo icili no ku mubwasha kunuma. Namwishiba uko mwaba.

Ukunakila konse ku Cebo conse icakwa Lesa cilamupela insambu ku Cishibilo, kabili tapali na cimbi. “Alishuka uyo ucita amafunde Yakwe yonse, ena akalyako ku Muti wa Mweo.” (*Ukusokolola 22: 14-15*).

Lyena sendeni Icishibilo cenu, ukutila mwaliishiba ukutila ni Yesu Kristu muli imwe, lyena bikeneni cena. Cena Mweo wakwa Kristu muli imwe? [25]

Te muntu umbi uwafumine muli Wene uitwa Mupashi wa Mushilo, lelo Cena cali Ena Umwine. Muleumfwa cena? **Ena Umwine aipongolwele Umwine mu bantu: Kristu muli imwe.** Ifyo cawama, ifyo cawamisha ukutontonkanya, **Lesu ukuipongolola Umwine mu muntunse, mu wa cetekela: ukuipongolola.** Cena cali iciputulwa ca bwangalo Bwakwe ukucita ico. Lesa, Umwisulo onse, **bonse umutwe wa Bulesa mu mubili wali uyu Muntu Yesu Kristu** (*Abena Kolose 2: 9-10*). Ena ali Lesa kabili Lesa eka, te muntu wa citatu, atemwa umuntu wa cibili, atemwa umuntu wa ntanshi; lelo Umuntu, **Lesu ukufimbwa mu mubili wa buntu.** [26]

E ico bikeneni Kristu mu mutima wenu; Kristu na Mupashi wa Mushilo cintu cimo cine. Mupashi wa Mushilo, “Kristu” cipilibula “Umo uwasubwa.” Kabili Mupashi wa Mushilo ni kulya Kusubwa, kabili nimwe bene uyo uwasubwa. Mwamona? Kabili **ni Kristu muli imwe ukusuba imwe.** Mwamona ico ndepilibula?

Lyena namukwata icintu icalungama. **Lyena Ena kuti amubomfya imwe ku cintu icili conse ico Ena alefwaya uku mubomfyako imwe, pa mulandu muli mu mubili kabili abakumako ku fili fyonse filye**

fyabupe. Lelo mulemona, ukukwata cimo ica fyabupe kunse ka mubili, cena teti ci mucite imwe icisuma nangu cimo. “Nangula ningalandila mundimi sha bantu na ba Malika, nshikwete ukutemwa, shili kantu. Nangula ninga kwata icitetekelo no kwiluka inkama shonse ishakwa Lesa, tacingafwa kantu. Nangula ningapela umubili wandi ukocewa nge lambo, ukupela ifipe fyandi fyonse ku babusu, nangula ningakwata icitetekelo ukusesha impili, nshili kantu” (1 Abena Korinti 13:1-3). Mwamona? Mwilashintilila pali filya fintu. **Mupashi wa Mushilo Cibumbwa; ni Lesa, Lesa muli imwe, Umuntu, Lesa, uyo uwambusha Ubuntu bwenu bonse.** Imwe namupilibulwa; imwe muli cibumbwa cipya (Abena Galatia 6:15). **Icintu icili conse icinono icalubana, Ena alino ku mweba ukutila na mulufyanya, lyena lekeni; mwi cicita. “Taata, nshacipilibula ukucita cilya, Imwe munjelele.”** Mwamona? **Kabili ulya e Mupashi wa Mushilo.** [27]

Musangonshi ifwe tukesha ku mulu lyena ukusosa, “Cisuma, nalicetekela ici, lelo nshacetekela cilya”? **imwe mulingile ukuba Icebo conse, pantu imwe muli cilundwa ca Wene.**

Ulya e musango Lesa aleesha ukupanga ulukuta Lwakwe ilelo, te ku cisumino. Kabili bena baleesha ukutupatikisha ifwe muli cilya, mwe bantu. Mulemona cena cileisa. Ilembo lili pa cibumba. Tapakakokole nganshi mpaka ifwe tuli nokuba ulukuta lwe sonde, kabili ulukuta ululi lonse lulingile ukwisawila muli cilya nga te ifyo ukucimfya amafya. Cisuma, bushe imwe muli abaiteyanya ukucimfya cilya? Imwe tamulingile ukucicita pa mulandu fye wakutila muletontonkanya cena cintu

calungama. **Mulingile ukukwata Kristu muli imwe, pantu cilya Cebo ca muyayaya, kabili cilya Cebo e cikamimya nakabili. Imwe mulesa mukuba icilundwa ca cilya Cebo. Imwe mwishibikilwa pamo ne Cebo.** [28]

Umwakumona:

- [1] “Bulesa Bwakwa Yesu Kristu” (49-1225), par. 82
- [2] “Israele no Lukuta part 1” (53-0325), par. 63-66
- [3] “Amepusho na Masuko” (54-0515), COD pg. 159
- [4] “Isenge mu Kulubulwa” (55-0403), par. 244
- [5] “Icishininkisho ca Kubuka Kwakwe” (55-0410M), par. 145
- [6] “Uko Ndetontonkanya Pentecostal Yafililwe” (55-1111), par. 44
- [7] “Mulandunshi Abantu Basunkanishiwa Uku no Ku” (56-0101), pg.18
- [8] “Yesu Kristu Cimo Cine” (56-0426), par. 35
- [9] “Inshita Iyaeshiwa Ifyakwibukisha Fyakwa Lesa” (57- 0818), par. 46
- [10] “Abahebere CH pa. 5na 6” (57-0908M), pg. 189
- [11] “Mumfweni Wene” (58-0328), par.43
- [12] “Tulangeni Shinwe” (59-0419E), par. 34
- [13] “Ukufuma pa Kutendeka Tefyo Cali” (59-1125), par. 30
- [14] “Ni Cinshi Mupashi wa Mushilo” (59-1216), par.52, 57
- [15] “Ni Cinshi Mupashi wa Mushilo Wapelelwe” (59-1217) par. 65,106,147
- [16] “Ni kuli Ani Twingaya” (60- 0604), par. 16
- [17] “Ukʰongola” (63-0803E), par. 22

- [18] “Kristu E Nkama Yakwa Lesa Ukusokololwa” (63-0728), pg. 36, 65, 85
- [19] “Ukongola” (63-1130B), par. 113
- [20] “Ifyabupe Fyakwa Lesa Lyonse fisanga Ififulo Fya Fyena” (63-1222), par. 88
- [21] “Kuliko Umuntu Pano Uwingasha Uluubuto” (63-1229M), par. 209
- [22] “Icishibilo” (64-0208), par. 124
- [23] “Tulefwaya Ukumona Yesu” (57- 0226), par. 21
- [24] “Ukongola” (64-0215), par. 26
- [25] “Icishibilo” (64-0308), par. 131, 139
- [26] “Ukufimbulwa Kwakwa Lesa” (64-0614M), par. 77
- [27] “Amepusho na Masuko” (64-0830M), COD pg. 1079
- [28] “Icalangishiwa Iciputulwa Icawamisha Icakwa Lesa” (64-1205), par.69